



UNIVERSITÄTS-
BIBLIOTHEK
PADERBORN

Universitätsbibliothek Paderborn

Basilea Sacra Sive Episcopatus Et Episcoporum Basileensium Origo Ac Series

Sudan, Claudius

Brvntrvti, 1658

25. Vdalricus II.

urn:nbn:de:hbz:466:1-11463

Anno
Christi
1025.

VDALRICVS II.

Basileensis Episcopus.

XXV.

POST Adalberonem, Vdalrici electionem Cleri suffragiis factam 1025. haud satis probavit Imperator Conradus: donec Vdalricus ad redimendam vexationem, valentissimo apud multos remedio, numeratâ pecuniæ summâ benevolum sibi animum Imperatoris efficeret. Verùm, tactus religione facti huius Imperator, edixit sanctè, se in posterum nunquam pecuniarias largitiones pro ullius confirmatione Præsulis accepturum. Quod & ipse, filiusque Henricus Tertius, fide integra præstiterunt. Exemit tunc Conradus Basileam à jurisdictione regni Burgundici, eamque deinceps Imperio annexam voluit Etenim, cum

cùm Rudolphus ultimus Burgūdiæ
Rex, senio gravis, & improlis Prin-
cipes suos rebelles expertus esset;
in Henricum secundum Imperato-
rem, quod auxilio sibi præsto advo-
lans impensas non parvas fecisset,
jus omne Regni sui contulit. Sed,
ut versatile humanum ingenium:
Henricò è vivis sublatò, Rudolphum
facti mox pœnituit, utpote cuius di-
gnitas, non satis tutò staret cum hac
intempestiva & duræ solum necessi-
tatis abdicatione. Quare, jus pri-
stinum præcipiti consilio abiectum
requirebat Rudolphus, cùm inte-
rim alia ex parte Otho Campaniæ
comes Rudolphi ex sorore nepos, in
id regnum se intrudere moliretur.
Anno deinde 1027. die Paschatis,
Augustalibus insignibus decoratus
Conradus à Ioanne XIX. ut injuri-
am æquissimo juri meditatam pro-
pulsaret, exercitum in Germaniam

Anno
Christi
1025.

Anno
Christi
1025.

reduxit, habitisque sequenti anno Augustæ & Vlmæ Comitibus; ubi quosdam per Sueviam in sua absentia res novas machinatos commercioris mulctasset pœnis, Basileam profectus est, atq; ibi à Rudolpho Rege amanter exceptus. Hic utrumque inter, annitente potissimum Augusta Gisela Rudolphi ex sorore nepte, ita convênit, ut post mortem regis, in eius jura succederet Imperator. Anno 1032. mortem præsentiens Rudolphus, ex pacto coronam & insignia Burgundiæ, Conrado, eiusque filio Romanorum Regi transmisit. Hinc Cæsares sibi titulum vendicant & regni Burgundici & Arelatensis, quod annis 144. propriis suberat regibus. Post aliquod temporis intervallum Cæsar Othonem comitem regnum occupare conantem armatâ manu coercuit, imperata facere coactum, & ita in fide Cæsaris retin-

retentum Burgundiæ regnum, quod ^{Anno} ^{Christi}
ea ætate, præter superiorem Burgun-
diam, Sundgoiam quoq; & totum
Basileensem Episcopatum ad Rhenū
usque & fluvium Eschibach conti-
nebat. Trans Iuram insuper Nui-
thoniam, usque ad flumen Vrsam,
Vallesiam, & magnam Sabaudia
partem. His terris firmato Conra-
dus Imperio, Episcopo Basileensi, ar-
genti-fodinas in Brisgoia dono con-
cessit. Anno 1028. de obitu Vdalrici ^{1028.}
nihil apud Scriptores notatum re-
perio.

B R V N O

1030.

Basileensis Episcopus.

XXVI.

BRunonem Vdalrico subiicimus;
veterem M.S. codicem, & Stum-
pium secuti, imperante tum Conra-
do; post quem, cum Henricus filius,

K 4

anno